

Na osnovu člana 16.stav 4. Zakona o Vladi Zeničko-dobojskog kantona – prečišćeni tekst («Službene novine Zeničko-dobojskog kantona», broj 7/10), a u skladu sa članom 47.Zakona o izvršavanju Budžeta Zeničko-dobojskog kantona za 2013.godinu («Službene novine Zeničko-dobojskog kantona», broj 19/12), Odluke o preraspodjeli sredstava u Budžetu Zeničko-dobojskog kantona za 2013.godinu i Odluke o prestrukturiranju rashoda u Budžetu Zeničko-dobojskog kantona za 2013. godinu Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 140. sjednici, održanoj 11.12.2013. godine
d o n o s i

ZAKLJUČAK

I.

Usvaja se Program utroška sredstava u razdjelu 19, budžetska organizacija 01, potrošačka jedinica 0001, Fond za zaštitu okoline, za 2013.godinu, ekonomski kod 614116 (Transferi općinama iz sredstava Fonda za zaštitu okoline), u iznosu od 2.124.000,00 KM (slovima: dvamilionastotinudvadesetčetirihiljade konvertibilnih maraka), i ekonomski kod 6137, 6139, 6143, 6151 i 8213 u iznosu od 450.500,00 KM, koji čini sastavni dio ovog Zaključka.

II.

Usvajanjem ovog Programa utroška sredstava stavlja se van snage Program utroška sredstava Fonda za zaštitu okoline za 2013. godinu koji je usvojen Zaključkom Vlade Zeničko-dobojskog kantona broj:02-14-4755/13 od 21.02.2013. godine.

III.

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____/13.
Datum, 11.12.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline
1x Ministarstvo finansija
1x a/a

P R O G R A M

utroška sredstava Fonda za zaštitu okoline za 2013.godinu

I.

Naziv programa: Program utroška sredstava Fonda za zaštitu okoline za 2013.godinu.

Svrha programa: Planirana sredstva Fonda za zaštitu okoline raspoređuju se u skladu sa Odlukom o načinu raspodjele sredstava Fonda za zaštitu okoline broj:02-14-27197/12 od 07.12.2012.godine kojom se 80% sredstava usmjerava u budžete općina, dok su preostalih 20% pripadajuća sredstva Kantona. Dio sredstava koji se usmjeravaju u budžete kantona trošit će se namjenski za programe i projekte iz oblasti zaštite okoliša. Općine su dužne da na kraju godine dostavljaju Izvještaj o utrošku sredstava ministarstvu za prostorno uređenje, promet i komunikacije i zaštitu okoline. Pripadajuća sredstva kantona koriste se za realizaciju projekata zaštite okoline, te za potrebe interventnog djelovanja u slučaju ekoloških incidenata ili elementarnih nepogoda.

Visina sredstava: Budžetom Zeničko-dobojskog kantona za 2013.godinu utvrđena su sredstva u iznosu od 2.825.000,00 KM. Sredstva na poziciji „Tekući transferi općinama iz sredstava Fonda za zaštitu okoliša“ u iznosu od 2.124.000,00 KM će se usmjeravati u budžete općina. Preostala sredstva u iznosu od 250.500,00 KM usmjeravaju se, u skladu sa Odlukom o preraspodjeli sredstava u Budžetu Zeničko-dobojskog kantona za 2013.godinu, Univerzitetu u Zenici, a dio sredstava u iznosu od 450.500,00 KM pripadaju Ministarstvu za prostorno uređenje, promet i komunikacije i zaštitu okoline i utrošiti će se na sljedeći način:

Ekonomski kod	Vrsta izdatka	Iznos sredstava
6137	Tekuće održavanje	20.000,00 KM
6139	Ugovorene usluge	186.760,00 KM
6143	Tekući transferi	20.000,00 KM
6151	Kapitalni transferi drugim nivoima vlasti	98.740,00 KM
8213	Nabavka opreme	125.000,00 KM

II.

1. Naziv programa: Izrada idejnog projekta zbrinjavanja animalnog otpada

Cilj projekta: Problem zbrinjavanja animalnog otpada je sve izraženiji jer se ova vrsta otpada ne odlaže na deponiju Mošćanica. Iako je rješenje problema prema Federalnoj strategiji planirano na Federalnom nivou to se ne dešava a problem eskalira. Neophodno je pokušati iznaći rješenje na katonalnom nivou, odnosno regionalnom nivou.

Iznos sredstava: 30.000,00 KM

2. Naziv projekta: Izrada idejnog projekta prečišćavanja otpadnih voda Kantonalne Bolnice Zenica

Cilj projekta: Otpadne vode bolnice su opterećene različitim zagađujućim materijama koje se direktno ispuštaju u recipijent – Babinu rijeku u samom centru naseljenog mjesta a u čijem koritu se u ljetnim mjesecima nalazi veliki broj građana koji traže osvježenje.

Iznos sredstava: 50.000,00 KM

3. Naziv projekta: Projekti nevladinih organizacija

Cilj programa: Pomoć nevladinim organizacijama u organizovanju konkretnih ekoloških akcija, edukacije itd koje uz ekološke i estetske efekte imaju za cilj i podizanje svijesti svih slojeva stanovništva.

Iznos sredstava: 20.000,00 KM

4. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta: Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 12.000,00 KM

5. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ a podrazumijeva izradu literarnih i likovnih radova, sa tematikom zaštite okoline, učenika osnovnih i srednjih škola sa područja Zeničko-dobojskog kantona. Dodjelom nagrada i završetkom projekta obilježava se 5. juni Svjetski dan zaštite okoline.

Iznos sredstava: 5.000,00 KM

6. Naziv projekta: Uređenje izletišta Smetovi

Cilj projekta: Uređenja izletišta koje je samo 8km udaljeno od najzagađenijeg grada u BiH. Pomoć građanima Zenice da u zimskom periodu imaju uređenu lokaciju na koju mogu izići tokom alarmantnih stanja u gradu. Osim toga izletišta treba urediti kako bi najmlađim stanovnicima obezbjedili uslove za školu skijanja.

Iznos sredstava: 30.000,00 KM

7. Naziv projekta: Pomoć u nabavci displeja Općini Zenica

Cilj projekta: S obzirom da se zalažemo za transparentnost i javnost podataka o zagađenosti zraka, a da je Općina Zenica u fazi nabavke moderne opreme za mjerenje kvaliteta zraka u želji da građani redovno prate stanje zagađenosti zraka potrebno je iz sredstava Fonda pomoći u nabavci velikog displeja koji će se instalirati na zgradi „Jugobanke“.

Iznos sredstava: 98.740,00 KM

8. Naziv projekta: Uređenje izletišta Matoševa Dubrava u Općini Doboju jug

Cilj projekta: Uređenje rekreacionog centra i izletišta „Matoševa dubrava“ u općini Doboju-Jug, što podrazumijeva uređenje nogometnog i basket igrališta, tim staze, Dječijeg zabavnog parka itd.

Iznos sredstava: 50.000,00 KM

9. Naziv projekta: Nabavka kontejnera u Općini Olovo

Cilj projekta: Povećanje pokrivenosti prikupljanja otpada, te selekcioniranje otpada po vrstama (papir, PET itd.) u cilju ponovnog iskorištavanja i reciklaže otpadnih materijala. Odvojeno prikupljanje obavezno provesti u školama na području općine Olovo.

Iznos sredstava: 35.000,00 KM

10. Naziv projekta: Ekološke aktivnosti u osnovnim i srednjim školama na području Zeničko-dobojskog kantona.

Cilj projekta: Edukacija učenika i razvijanje svijesti učenika putem organizovanih školskih aktivnosti kao što su uređenja školskih prostora, organizovanje škola u prirodi, izdavanje brošura i drugih aktivnosti iz oblasti zaštite okoliša.

Iznos sredstava: 50.000,00 KM

11. Naziv projekta: Ostali tekući izdaci (ugovorene usluge 99.760,00 i izdaci za tekuće održavanje 20.000,00 KM)

Cilj projekta: Realizacija ugovorenih usluga i tekućeg održavanja

Iznos sredstava: 119.760,00KM

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Izrada idejnog projekta zbrinjavanja animalnog otpada	30.000,00
2.	Izrada idejnog projekta prečišćavanja otpadnih voda Kantonalne bolnice Zenica	50.000,00
3.	Projekti nevladinih organizacija	20.000,00
4.	Izdavanje časopisa „ZE-DO eko“	12.000,00
5.	Napiši priču – uradi sliku	5.000,00
6.	Uređenje izletišta Smetovi	30.000,00
7.	Nabavka i ugradnja velikog displeja u Zenici	98.740,00
8.	Uređenje izletišta „Matoševa Dubrava“ u Općini Doboj jug	50.000,00
9.	Nabavka kontejnera u Olovu	35.000,00
10.	Edukacija učenika osnovnih i srednjih škola putem kviz takmičenja	50.000,00
11.	Ostali tekući izdaci	119.760,00
	UKUPNO	450.500,00

Broj: 02-_____ /13.

Datum, 11.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline

1x Ministarstvo finansija

1x a/a